

Cofnodion Cyfarfod Cyngor Cymuned Llanddeiniolen 9fed Ionawr 2024

Croeso a Gweddi - Rhoddwyd Croeso gan Jane Pierce a gair o weddi gan Rhian Evans-Hill.

Presennol - Y Cadeirydd Jane Pierce ynghyd a'r Cynghorwyr, Idris Thomas, Emma Chappell, Phyllis Ellis, Ellen George, Elwyn Jones, Rhian Evans-Hill, Gareth Hughes

Croesawyd Y Cynghorydd Berwyn Parry Jones

Ymddiheuriadau - Lowri Ann James, Ynyr Parri, Sasha Williams, a Dawn Parry.

Datgan Buddiant - Dim

Cofnodion 5ed Rhagfyr 2023

Cafwyd y Cofnodion yn gywir:

Rhian Evans-Hill (1)

Phyllis Ellis (2)

Materion o'r Cofnodion

Meinciau- Mae mainc Rhiwlas wedi ei gosod, ac rydym dal angen penderfynu'r lle gorau i osod un yn Dinorwig. Penderfynwyd cysylltu â Pharc Padarn i ofyn am ganiatâd i osod ger yr arwydd Allt Ddu

Llythyrau - Derbyniwyd a darllenwyd llythyr o ddiolch am nawdd ariannol gan, Bwyllgor Neuadd Rhiwlas. Braf oedd clywed fod cymaint o waith yn mynd ymlaen gan y Pwyllgor I wella'r Neuadd yn dilyn derbyn grantiau. Mae adnodd o'r fath mor bwysig ym mhentrefi'r plwyf.

Gohebiaeth a Materion Eraill

Cysgodfa Bws Bro Elidir - Derbyniwyd cwyn fod y pren yn y gysgodfa wedi pydru. Byddwn yn trefnu archwilio hyn yn ystod yr wythnos, a chwilio am amcan bris i adnewyddu. Nodwyd ein bod angen cysylltu a Cyngor Gwynedd i weld os oes posibil cael cytundeb lle mae arolygwyr yn mynd o gwmpas yn reolaidd i archwilio y cysgodfanau.

Tan Y Ffynnon, Deiniolen - Derbyniwyd llythyr o gŵyn yn ddiennw ynglŷn â gwelliannau ar y tir yma. Bu i'r clerc gysylltu gydag amryw o dai cyfagos i'r adeilad, am unrhyw wybodaeth neu i weld os oedd yna wir i'r honiadau a'r materion a nodwyd yn y llythyr. Gan fod y llythyr wedi ei yrru yn ddiennw. Nid oes rhaid i'r Cyngor wneud dim wrth gwrs, search hynny, penderfynwyd gyrru'r llythyr ymlaen i'r adran berthnasol yng Nghyngor Gwynedd.

Cadeirydd.....

Cynllunio

Ni Dderbyniwyd ceisiadau mis yma

Llwybrau

Llwybr Gwynfryn, Rhiwlas - Derbyniwyd sawl cais yn nodi fod y llwybr wedi ei farcio yn anghywir ar y map. Bydd y llythyrau yn cael eu trosglwyddo I Gyngor Gwynedd er mwyn cael cywiro'r map a dangos dilyniant y llwybr yn gywir.

Cyllideb a Phennu Praesept 2024/2025

Wel, mae costau byw yn dal i gynyddu, er bod, ac felly, yn dechrau'r trafodaethau yma ym mis Tachwedd, roedd yn amlwg fod aelodau'r Cyngor yn awyddus i gadw'r praesept eto eleni mor isel â phosib, ac yn gobeithio peidio gorfod codi'r praesept o gwbl.

Aethpwyd ymlaen i drafod, ac yn falch o ddweud erbyn hyn fod y Cyngor wedi cytuno ar y gyllideb, ac na fydd praesept y Cyngor yn codi eleni chwaith. Felly cynigiodd Phyllis Ellis I dderbyn y gyllideb, a chadw'r praesept ar 31,000 fel llynedd, cytunodd Pawb yn unfrydol.

Fel amcangyfrif bydd hyn yn golygu oddeutu £16.48 y flwyddyn i dai sydd yn Fand D.

Canllawiau Rhoddion Ariannol

Trafodwyd y Canllawiau a'r ffurflen ar gyfer y rhoddion ariannol. Yn dilyn trafodaeth ar ychydig newidiadau, bydd gobeithio cael rhoi sêl bendith ar hyn yng nghyfarfod mis Chwefror. Y bwriad wedyn ydi i'r clerc gysylltu gyda phob mudiad sydd wedi ceisio am nawdd ariannol eleni, fel eu bod yn gallu darllen, llenwi a gyrru'r ffurflen mewn da bryd. Mae posib i unrhyw fudiad Newydd gysylltu â'r clerc am fwy o fanylion.

O Gwmpas y Bwrdd

Gordyfiant Bro Elidir - Dal heb gael ymateb gan Adre, y clerc i gysylltu eto.

Pamffledi Newyddion Prosiect Grid Cenedlaethol - Cofiwch bawb mae angen i fudiadau o bob pentref yrru ceisiadau am arian.

Bryn Eglwys, Penisa'r-waun - Tyllau yn ffordd y stad. Cyngor Gwynedd sydd berchen, felly bydd y Clerc yn cysylltu.

Cadeirydd.....

Clybiau Ieuenctid - Yn anffodus, bu rhaid i'r clwb gau yn Neiniolen, er bod y clwb yn llwyddiannus, ond nid oes posib rhedeg heb arweinwyr. Os oes rhywun a diddordeb, plŷs wnewch chi gysylltu â'r adran Ieuenctid yng Nghyngor Gwynedd.

Giât i fyny am inclein o Lôn Garnedd - Mae yn a bin baw ci wedi ei osod ger y giât, ond mae'r tir o dan y bin wedi cael ei ddifrodi gan fod yna gerbyd yn cael ei yrru i mewn ac allan trwy'r giât ac wedi difrodi'r tir ochor y ffordd. Cysylltu â Chyngor Gwynedd I ofyn tybed oes posib cael symud y bin baw ci, fel bod cerddwyr ci yn gallu cyrraedd y bin.

Gordyfiant o Goed ar y B4366 Tŷ Mawr I Fethel

Mae gordyfiant o goed ar y ffordd ac mae loriau mawr a skip yn cyrraedd y coed ac yn bachu brigau wrth fynd heibio, sydd yn gallu bod yn beryglus i drafnidiaeth tu ôl iddynt neu yn dod o'r ffordd arall.

Cadarnhau Taliadau:

Dim

Cadeirydd.....